

ՀԱՍՏԱՏՈՒՄ ԵՄ՝
Հայ-ռուսական համալսարանի
գիտական գծով պրոռեկտոր
Վ.Գ.Պ., պրոֆեսոր
Պ.Ս. Ավետիսյան
«22» հունիսի 2020թ.

Ա Ռ Ա Ջ Ա Տ Ա Ր Կ Ա Ջ Մ Ա Կ Ե Ր Պ ՈՒ Թ Յ Ա Ն
Կ Ա Ր Ծ Ի Ք

Առնուղ Սամվելի Վարդանյանի՝ «Բժշկական բնույթի հարկադրանքի միջոցների կիրառման տեսական և գործնական հիմնահարցերը ՀՀ քրեական դատավարությունում» վերտառությամբ ԺԲ.00.04 - Դատական իրավունք (դատարանակազմություն, քաղաքացիական դատավարություն, քրեական դատավարություն, կրիմինալիստիկա, դատական փորձաքննություն, փաստաբանություն, օպերատիվ-հետախուզական գործունեության տեսություն) մասնագիտությամբ իրավաբանական գիտությունների թեկնածուի գիտական աստիճանի հայցման ատենախոսության վերաբերյալ

Ա.Վարդանյանի կողմից իրականացված հետազոտության թեման արդիական է և կարևոր: Մարդու իրավունքների գերակայության հաստատման և դրանց պաշտպանության աստիճանի բարձրացման գործընթացում ինչ խոսք իր ուրույն դերակատարությունն ունի պետության կողմից համապատասխան իրավական գործիքակազմերի սահմանումն ու գործնականում դրանց պատշաճ կիրառությունը: Քրեադատավարական ընթացակարգերում կանխարգելիչ բնույթի անվտանգության միջոցների և հատուկ վարույթների նախատեսումը, դրանց պատշաճ կիրառությունն իրենց հեթին երաշխիք են քրեական դատավարության համապատասխան սուբյեկտների իրավունքների լիարժեք իրացման համար:

Կատարված ուսումնասիրությունները վկայում են, որ բժշկական բնույթի հարկադրանքի միջոցների (այսուհետ՝ ԲԲՀՄ) գործարկման ընթացքում տարբեր հարթություններում ի հայտ են գալիս տարաբնույթ խնդիրներ, մասնավորապես, տեսական հարթությունում առկա չէ միասնական մոտեցում ԲԲՀՄ-ի նպատակների, քրեադատավարական այլ ինստիտուտների հետ հարաբերակցության շրջանակներում: Տարբեր են նաև մոտեցումները սույն ինստիտուտի գործնական կիրառության ընթացքում ծագող

„Երազման հարաբերությունների մասով: Այս ամենով է պայմանավորված ներկայացված ատենախոսության թեմայի արդիականությունը:

Անհրաժեշտ է նկատի ունենալ, որ ԲԲՀՄ-ի էության, բնույթի, նպատակների, կառուցակարգի և ընթացակարգի հետազոտումը, տեսական մոտեցումների, միջազգային փորձի և միջազգային պայմանագրերի հիման վրա գործող մարմինների կողմից մշակված չափորոշիչների վերլուծությունը, քննարկվող ինստիտուտի վերափոխման նպատակները և ներդրման տեսանկյունից ունի էական նշանակություն: Այն արդական է նաև ՀՀ քրեական դատավարության նոր օրենսգրքի նախագծում (այսուհետ՝ Նախագիծ) քրեադատավարական սույն ինստիտուտը բովանդակային փոփոխություններով և օրենսդրական նոր կարգավորումներով ներկայացնելու հնարավորության տեսանկյունով:

Պետք է փաստել, որ իրականացված հետազոտությունն ընդգրկել է բավական ծավալուն առարկա՝ ԲԲՀՄ-ի նշանակման հարաբերությունները կարգավորող միջազգային և ներպետական իրավական նորմերը, ՔԴՕ նախագծի կարգավորումները, իրավակիրառ պրակտիկան, միջազգային փորձն ու դոկտրինալ աղբյուրները:

Հեղինակի կողմից հետազոտության առարկան կազմող վերը նկարագրված հիմնահարցերի ուսումնասիրման միջոցով՝ ԲԲՀՄ քրեադատավարական սույն ինստիտուտի էության բացահայտումը թույլ է տալիս պարզել այդ ինստիտուտի առանձնահատկությունները, ինչպես նաև նրա տեղը և դերը հարակից դատավարական կարգավորումների համատեքստում:

Ատենախոսության ուսումնասիրությունը հիմք է տալիս պնդելու, որ Ա.Վարդանյանը հիմնականում իրագործել է իր առջև դրված ուսումնասիրության նպատակները:

Նշված նպատակին հասնելու համար հեղինակի կողմից խնդիր է դրվել.

- նախանշել ԲԲՀՄ-ի կիրառման վարույթի՝ ռոմանոգերմանական և անգլոսաքսոնական իրավական համակարգերի հայեցակարգային առանձնահատկությունները,

- հստակեցնել ԲԲՀՄ-ի կիրառման հատուկ վարույթի իրավական բնույթը, դատավարական նշանակությունը, հարաբերակցությունն ընդհանուր հիմունքներով անցկացվող վարույթի հետ,

- բացահայտել փորձաքննության ենթարկելու համար անձին բժշկական հաստատությունում տեղավորելու, ինչպես նաև անմեղսունակության վիճակում քրեական օրենքով արգելված արարք կատարած և դեպքից հետո հոգեկան հիվանդությամբ հիվանդացած անձանց նկատմամբ ԲԲՀՄ-ի կիրառման վարույթ հարուցելու, անվտանգության միջոցներ կիրառելու

..րմբերի և պայմանների շրջանակը,

- որոշակիացնել հոգեկան առողջության խնդիրներ ունեցող անձի դատավարական կարգավիճակը, նրա իրավունքների և իրավաչափ շահերի պաշտպանության երաշխիքների շրջանակը,

- վեր հանել ԲԲՀՄ-ի կիրառման մինչդատական և դատական վարույթների ընթացքում ծագող տեսական և գործնական հիմնախնդիրները՝ ուսումնասիրելով դրանց առնչությամբ ձևավորված դատական պրակտիկան և միջազգային փորձը,

- համեմատախրավական վերլուծության ենթարկել ԲԲՀՄ-ի կիրառման վարույթի վերաբերյալ գործող ՔԴՕ-ի և նոր ՔԴՕ նախագծի կարգավորումները,

- կատարված հետազոտության արդյունքների հիման վրա մշակել համապատասխան հիմնախնդիրների լուծմանն ուղղված առաջարկություններ:

Ուսումնասիրության տեսական հիմք են կազմել քրեադատավարական ոլորտի առաջադեմ գիտնականների գիտական աշխատությունները: Հեղինակն ուսումնասիրելով վեր հանված հիմնախնդիրները՝ վիճահարույց հարցերի շուրջ իր գիտական միտքը համադրել է այլ գիտնականների տեսակետների հետ:

Ատենախոսի տեսական դատողությունների և եզրահանգումների հիմնավորվածությունն ապահովվել է կատարված հետազոտության մեթոդաբանական բազայով, գրականության մեծաքանակ աղբյուրների օգտագործմամբ, հարուստ իրավական և փորձառական հիմքով: Հատկապես, ցանկանում ենք առանձնացնել հեղինակի կողմից Մարդու իրավունքների Եվրոպական դատարանի, ՀՀ սահմանադրական դատարանի, ՀՀ վճռաբեկ դատարանի դատական ակտերի ուսումնասիրումը և դրանց դրույթների ստեղծագործական օգտագործումը ատենախոսությունում արտահայտած մտքերի ու արված հետևությունների հիմնավորման ժամանակ:

Հետազոտության գիտական նորույթն այն է, որ ատենախոսությունը հայրենական իրավագիտության առաջին համապարփակ և ամբողջական գիտահետազոտական ուսումնասիրությունն է, որտեղ փորձ է արվել հնարավորինս համալիր և բազմակողմանի քննարկել ու վերլուծել ԲԲՀՄ-ի կիրառման վարույթի տեսական և գործնական հիմնահարցերը:

Ատենախոսությունը բաղկացած է ներածությունից, 3 գլուխներից, դրանցում ընդգրկված 11 պարագրաֆներից, եզրակացությունից, օգտագործված գրականության, իրավական ակտերի և պրակտիկ նյութերի ցանկից:

Ատենախոսության սեղմագիրը և հրատարակված 9 հոդվածներն արտացոլում են ատենախոսության հիմնական դրույթները և չեն հակասում դրան:

Այս ամենով հանդերձ, ներկայացված թեկնածուական թեզում առկա են որոշ վիճարկելի դրույթներ, որոնք, ընդհանուր առմամբ, չազդելով աշխատանքի դրական գնահատականի վրա, լրացուցիչ հիմնավորման կարիք ունեն։ Մասնավորապես.

1. Հեղինակի կողմից ատենախոսության առանձին պարագրաֆներում հիմնավորումներ են տրվում գործող մյ շարք իրավական ակտերում նոր կարգավորումներ նախատեսելու վերաբերյալ, սակայն, ըստ էության բացակայում են ներկայացված գաղափարներն իրագործելու նպատակով նշված իրավական ակտերում փոփոխությունների և լրացումների տեսքով առաջարկվող կոնկրետ հեղինակային իրավական կարգավորումները (օրինակ՝ հիշատակվող օրենքի որևէ հոդվածում լրացում կամ փոփոխություն կատարելու վերաբերյալ հստակ ձևակերպված տեքստ), ինչը մեր կածիրով առավել քան մատչելի և ածարկայական կդարձնէր արված եզրահանգումներն ու առաջարկները (*ատենախոսության 118-րդ 1,2ի «հղումներ» հատվածում միայն ներկայացված է արդեն իսկ շրջանառության մեջ դրված «ՀՀ քրեական դատավարության օրենսգրքում լրացումներ և փոփոխություններ կատարելու մասին» ՀՀ օրենքի նախագծի տեքստը*):

2. Պաշտպանության ներկայացված դրույթների 1-ին կետով հեղինակի կողմից առաջարկվում է ունիֆիկացնել անմեղսունակ անձանց և դեպքից հետո հոգեկան հիվանդությամբ հիվանդացած անձանց նկատմամբ ԲԲՀՄ-ի կիրառման երկու հատուկ վարույթները, պատճառաբանելով, որ դրանք չունեն այն աստիճան էական և կայուն առանձնահատկություններ, որոնք կարող էին հիմք հանդիսանալ դրանք միմյանցից առանձին վարույթների մակարդակով կարգավորելու համար։ Նկատի ունենալով, որ ըստ էության, գործ ունենենք սկզբունքորեն տարբեր իրավիճակների հետ, իրավական հետևանքների ծավալի առումով առկա է որոշակի առանձնահատկություն, գտնում ենք, որ դրանց ուղղակի նույնացման վերաբերյալ առաջարկն համոզիչ չէ և պաշտպանության ընթացքում լրացուցիչ հիմնավորման կարիք ունի։ Առավել ևս, պետք նկատի ունենանք, որ երկու վարույթների ունիֆիկացմամբ, ըստ էության, ինչ-որ քրեադատավարական նշանակության էական խնդիր չի լուծվելու։

3. Պաշտպանության ներկայացված 3-րդ առաջարկը վերաբերում է փորձաքննության ենթարկելու համար անձին բժշկական հաստատությունում տեղավորելու և նույն ժամանակահատվածում կալանավորումը որպես խափանման միջոց կիրառելու ձևով անձի ֆիզիկական ազատությունը սահմանափակող դատավարական հարկադրանքի միջոցների կրկնակի կիրառման անթույլատրելիությանը։

Հիշատակված քրեադատավարական հարկադրանքի միջոցներն ըստ էության տարբեր նպատակներ և խնդիրներ են հետապնդում, ինչպես նաև կիրառման համար տարբեր

լավական հիմքեր են նախատեսում: Ըստ այդմ, դրանց մեկը մյուսով պարզապես փոխարինումը կամ նույնացումը, մեր կարծիքով ճիշտ չէ: Օրինակ, ինչպես ենք պատկերացնում առանձնապես ծանր հանցագործության կատարման մեջ մեղադրվող անձի դեպքում փորձաքննության ենթարկելու համար բժշկական հաստատությունում տեղավորելու և նույն ժամանակահատվածում կալանավորումը որպես խափանման միջոց կիրառելու կամ չկիրառելու գործընթացը:

Բացի այդ, ցանկալի կլինեք ներկայացված դրույթի հիմնավորումը տեսնել նաև արձանագրված վիճակագրական տվյալների պրիզմայի ներքո:

4. Պաշտպանության ներկայացվող 4-րդ դրույթում արտացոլված հեղինակի առաջարկը, ըստ որի՝ անձի հոգեկան հիվանդությամբ տառապելու վերաբերյալ հիմնավոր կասկածների ծագման պահից մասնավոր կարգով իրականացվող քրեական հետապնդումը պետք է վերաճի հանրային քրեական հետապնդման, ենթակա է հղկման, քանի որ պրակտիկորեն շատ դժվար կամ անհնար է հստակ որոշել հիմնավոր կասկածների ծագման պահը, որպես այդպիսին համարել քննիչի մոտ այդ կասկածների առաջացման պահը, թե՞ համապատասխան փորձաքննությունն նշանակելու մասին որոշումը կայացնելու պահը: Արդյունավետ իրավակիրառման տեսանկյունից առավել նպատակահարմար է մասնավոր քրեական հետապնդումը հանրային քրեական հետապնդման վերաճման ձևական հիմք դիտել փորձաքննությունն նշանակելու մասին որոշումը: Բացի այդ՝ հեղինակի այդ առաջարկը չի ներառում մասնավոր քրեական հետապնդումը հանրային քրեական հետապնդման վերաճման կոնկրետ իրավական-ընթացակարգային լուծումներ, մասնավորապես՝ այդ կասկածների առաջացումն ինքնին բավարար է արդյո՞ք մասնավոր քրեական հետապնդումը հանրային քրեական հետապնդման վերաճման համար, թե՞ դրա համար պետք է առանձին դատավարական որոշում (օր.՝ հսկող դատախազի) և այլն:

Ինչպես երևում է նշված նկատառումների բովանդակությունից, դրանք հիմնականում կրում են մասնավոր բնույթ և չեն արժեզրկում ընդհանուր առմամբ հաջողված ատենախոսությունը ու պայմանավորված են հեղինակի հետագա աշխատանքներն առավել կատարյալ տեսնելու ցանկությամբ:

Հետևություն. Առնող Մամվելի Վարդանյանի ատենախոսությունը համապատասխանում է ԲՈԿ-ի կողմից ներկայացվող պահանջներին, իրենից ներկայացնում է բժշկական բնույթի հարկադրանքի միջոցների կիրառման տեսական և գործնական հիմնախնդիրներին վերաբերող համակարգված, համալիր և ավարտուն հետազոտություն, իսկ դրա հեղինակն արժանի է իրավաբանական գիտությունների թեկնածուի գիտական աստիճանի շնորհման՝

ՏԲ.00.04 - «Դատական իրավունք (դատարանակազմություն, քաղաքացիական դատավարություն, քրեական դատավարություն, կրիմինալիստիկա, դատական փորձաքննություն, փաստաբանություն, օպերատիվ-հետախուզական գործունեության տեսություն)» մասնագիտությամբ:

Հայ-ռուսական համալսարանի իրավունքի
և քաղաքականության ինստիտուտի քրեական
իրավունքի և քրեական դատավարության
իրավունքի ամբիոնի վարիչ,
Ի.գ.թ., դոցենտ՝

Յ. Մ. Մ.

Ն.Յու.Զոհրաբյան

Հաստատում եմ՝
ՀՌՀ գիտքարտուղար,
Բ.գ.թ.

Մ. Ս.



Ռ.Ս. Կասաբարովա